

Headline	Lonjak semangat pelajar		
MediaTitle	Harian Metro		
Date	16 May 2016	Color	Full Color
Section	Setempat	Circulation	1,270,667
Page No	40	Readership	3,812,000
Language	Malay	ArticleSize	489 cm ²
Journalist	MUHAMMAD SAUFI HASSAN	AdValue	RM 19,264
Frequency	Daily	PR Value	RM 57,791



Lonjak semangat pelajar

■ 100 pelajar cemerlang terima Anugerah Kecemerlangan Lembaga Tabung Haji

Muhammad Saufi Hassan
saufi@hmetro.com.my

Kuala Lumpur

Prihatin terhadap pembinaan akademik serta lonjakan semangat golongan pelajar, seramai 100 pelajar menerima Anugerah Kecemerlangan daripada Lembaga Tabung Haji (TH) hasil keputusan cemerlang dalam peperiksaan yang diduduki.

Anugerah berkenaan membolehkan pelajar yang menduduki peperiksaan Ujian Pencapaian Sekolah Rendah (UPSR), Pentaksiran Tingkatan 3 (PT3) dan Sijil Pelajaran Malaysia (SPM).

Ketua Pegawai Operasi TH Datuk Adi Azuan Abdul Ghani berkata, seramai 50 penerima bagi kategori UPSR, 30 penerima untuk PT3 dan 20 penerima kategori SPM.

"Anugerah ini diberikan sebagai satu pengiktirafan TH kepada mereka yang mencatatkan keputusan cemerlang dalam peperiksaan serta lonjakan semangat untuk terus konsisten dalam akademik.

"Kita sememangnya menitikberatkan aspek pembinaan akademik serta koku-



ADI Azuan (tengah) beramah mesra dengan penerima anugerah.

rikulum dan pelbagai program dilaksanakan untuk merealisasikan tujuan itu," katanya kepada selepas majlis penyampaian anugerah itu, di sini, semalam.

Adi Azuan berkata, program ini dilaksanakan setiap tahun dan semua penerima

anugerah adalah ahli Kelab Tabung Haji (TaHa) dan juga penderesit TH.

Beliau berkata, TH memperuntukkan RM1.5 juta setiap tahun bagi program pembinaan akademik serta kokurikulum dengan pelbagai modul latihan seperti

kem peperiksaan, motivasi ibadah untuk pembentukan sahsiah dan beberapa lagi program lain.

"Sehingga kini, sebanyak 1.18 juta kanak-kanak adalah ahli Kelab TaHa dan jumlah itu antara keahlihan terbesar di negara ini. Saya berharap

lebih ramai lagi ibu bapa yang mendaftarkan anak mereka di TH," katanya.

Sementara itu, seorang penerima pelajar terbaik, Mohamad Zul Farhan Mohamed, 19, yang memperolehi 9A dalam SPM lalu nyata berbangga dengan kejayaannya dan



“**“** Ia hasil dorongan diberikan Kelab TaHa menerusi aktiviti dilaksanakan sepanjang tahun”

Mohamad Zul Farhan Mohamed

beranggapan ia adalah hasil dorongan yang diberikan Kelab TaHa menerusi aktiviti dilaksanakan sepanjang tahun.

Dia yang juga bekas pelajar Kolej Melayu Kuala Kangsar (MCKK) berkata, Kelab TaHa sentiasa prihatin terhadap perkembangan akademik setiap ahlinya dan itu sangat berbeza dengan kelab lain.

16-05-2016

>> Semua penerima anugerah adalah ahli Kelab Tabung Haji dan penderesit TH